

<i>Esp.</i>	<i>Ebazpena</i>		<i>Eragindako Administrazioak</i>		<i>Kontzeptu</i>
34/2008	R3/2010	20/12/2010	<i>Estatuko Administrazioa</i>	<i>Bizkaiko Foru Aldundia</i>	<i>Administrazio demandatuak amore ematea</i>

R 3/2010 ebazpena

34/2008 espedientea

Vitoria-Gasteizen, 2010eko abenduaren 20an.

Euskal Autonomia Erkidegoarekiko Ekonomia Ituneko Arbitraje Batzordeak, Carlos Palao Taboada batzordeburuak eta Isaac Merino Jara eta Francisco Javier Muguruza Arrese batzordekideek osaturikoak, honako hau

ERABAKI DU

Estatuko Administrazioak Bizkaiko Foru Aldundiaren kontra aurkeztu duen auziaren gainean, hau da, administrazio horietan lehenengoak bigarrenari ENTIDAD, S.A. sozietateak (IFK:) Hidrokarburoen gaineko Zergaren kuotan egindako kenkari jakin batzuen zati bat itzul diezaion eskatu diola-eta sortu den auziaren gainean. Izan ere, Arbitraje Batzordean izapidetu da auzi hori, 34/2008 zenbakiko espedientean.

I.- AURREKARIAK

1. Auzia Zerga Administrazioko Estatuko Agentziako (AEAT) zuzendari nagusiak aurkeztu zuen, 2008ko maiatzaren 27ko idazkiaren bidez, eta egun berean sartu zen Arbitraje Batzorde honen sarrera-erregistroan.
2. 2010eko ekainaren 1ean, akordio hau hartu zuen Bizkaiko Foru Aldundiko Ogasuneko zuzendariak:

“Lehenengoa.- Amore emango da 34/2008 gatazkan. Gatazka hori 2008ko maiatzaren 27an ipini zuen Zerga Administrazioko Estatuko Agentziak Bizkaiko Foru

Esp.	Ebazpena		Eragindako Administrazioak		Kontzeptu
34/2008	R3/2010	20/12/2010	Estatuko Administrazioa	Bizkaiko Foru Aldundia	Administrazio demandatuak amore ematea

Aldundiarekin, maiatzaren 23ko 12/2002 Legearen bitartez onetsi zen Euskal Autonomia Erkidegoarekiko Ekonomia Itunaren 65. artikuluan eta hurrengoetan aurreikusita dagoen Arbitraje Batzordean, ENTIDAD, S.A. erakundearen (IFZ:) Hidrokarburoen gaineko Zergaren 2005eko eta 2006ko ekitaldietako kuotak itzultzeko eskumena zuela uste zuelako, eztabaida eragin duen kasuari Auzitegi Gorenaren 2010eko maiatzaren 12ko epaian (300/2009 errekurtsua) azaldutako doktrina aplikatu dakiogelako.

Bigarrena.- Akordio hau Zerga Politika Zerbitzuari jakinaraziko zaio, Eusko Jaurlaritzako Ekonomia eta Ogasun Sailari eta Ekonomia Itunean aurreikusita dagoen Arbitraje Batzordeari helarazteko, bai eta Zerga Administrazioako Estatuko Agentziako zuzendari nagusiari eta Zerga Kudeaketa eta Ikuskapeneko zuzendariordeei ere, jakin dezaten eta bertan ezarritakoa gauza dezaten.”

3. 2010eko ekainaren 3ko idazkiaren bitartez (ekainaren 7ko sarrera-data dauka Arbitraje Batzorde honetan), Bizkaiko Foru Aldundiko idazkari nagusi teknikoak arestian idatzitako akordioaren berri eman zion Batzorde honi, eztabaida eragin duen kasuari Auzitegi Gorenaren 2010eko maiatzaren 12ko epaian (300/2009 errekurtsua) azaldutako doktrina aplikatu dakiogelako.

II. ZUZENBIDEKO OINARRIAK

1. Euskal Autonomia Erkidegoarekiko Ekonomia Itunean aurreikusitako Arbitraje Batzordearen araudia onartzen duen abenduaren 28ko 1760/2007 Errege Dekretuaren 8. artikuluan xedatutakoaren arabera, Arbitraje Batzordearen deialdiak, eraketa, batzarrak, ebazpenak hartzeko modua, funtzionamendu-erregimena eta prozedurari dagokienez, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legean xedatutakoa beteko da.

2. Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeak honakoa dio 91. artikuluan 2. atalean: “Administrazioak bete-betean onartuko du atzera egitea edo uko egitea, eta

<i>Esp.</i>	<i>Ebazpena</i>		<i>Eragindako Administrazioak</i>		<i>Kontzeptu</i>
34/2008	R3/2010	20/12/2010	<i>Estatuko Administrazioa</i>	<i>Bizkaiko Foru Aldundia</i>	<i>Administrazio demandatuak amore ematea</i>

amaitutzat emango du prozedura; hala ere, ez du prozedura amaitutzat emango, beste interesdunik aurkeztu bada eta, atzera egitea jakinarazi eta hamar egunetan, prozedura aurrera eramateko eskatzen badute interesdun horiek”.

Horren arabera, Arbitraje Batzordeak honako hau

ERABAKI DU:

1. Onartu egingo da Bizkaiko Foru Aldundiak amore ematea ENTIDAD, S.A. sozietateak (IFK:) Hidrokarburoen gaineko Zergaren kuotan egindako kenkari jakin batzuen zati bat itzultzeari dagokionez. Gai hori 34/2008 espediente-zenbakiarekin izapidetu da Arbitraje Batzorde honetan.
2. Jarduerak amaitu eta artxibatzeke aginduko da, bai eta horretarako bidalitako dokumentazio guztia itzultzeko ere.
3. Akordio hau erakunde eskatzaileari jakinaraziko zaio, bai eta Zerga Administrazioko Estatuko Agentziari ere.